

**ODLUKU
O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA OPĆINE STARI GRAD
SARAJEVO ZA 2021. GODINU AMELI KAPO ZA
POMOĆ PRI LIJEČENJU MALODOBNOG DJETETA
KAPO HARUNA**

Član 1.

Odobrava se uplata finansijskih sredstava AMELI KAPO u ukupnom iznosu od 3.000,00 KM (slovima: trihiljade KM), za pomoć pri liječenju malodobnog djeteta Kapo Haruna i to za 9. i 10. operaciju.

Član 2.

Sredstva iz člana 1. ove Odluke odobravaju se na teret pozicije tekuća rezerva Budžeta Općine Stari Grad Sarajevo za 2021. godinu i to:

- iznos od 3.000,00 KM na teret tekuće rezerve Načelnika Općine Stari Grad Sarajevo.

Član 3.

Sredstva će biti uplaćena AMELI KAPO na transakcijski račun broj 3389102547836731, PA 40512988000, otvoren kod UNICREDIT BANK DD.

Član 4.

Za realizaciju ove Odluke zadužuje se Služba za finansije.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-04-4-1871/21

21. septembra 2021. godine

Sarajevo

Pomoćnica načelnika

Edina Osmanagić, s. r.

Općinski načelnik

Mr. Ibrahim Hadžibajrić

OPĆINA TRNOVO

Općinsko vijeće

Na osnovu člana 1. i člana 37. Zakona o budžetima u Federaciji BiH ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18 i 11/19) i člana 24. tačka 3. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo na prijedlog Općinskog načelnika, na 5. sjednici održanoj 16.09.2021. godine, donosi

ODLUKU

**O IZMJENAMA I DOPUNAMA BUDŽETA OPĆINE
TRNOVO ZA 2021.GODINU**

Član 1.

U članu 2. u tabeli "**B/ BILANS RASHODA I IZDATAKA**"

mijenjaju se sledeće pozicije

"613000 - Izdaci za materijal, sitan inventar i usluge"

- Otvara se nova pozicija "Izdaci za odjeću, uniforme i platno" (ekonomski kod 613481) na iznos od 7.000,00 KM.

"614000 – Tekući transferi i drugi tekući rashodi"

- Pozicija "Tekući transfer za MUP Trnovo" (ekonomski kod 614311) dosadašnji iznos "5.000,00 KM" mijenja se i glasi "0,00 KM" .
- Pozicija "Tekući transfer za Dom zdravlja Trnovo" (ekonomski kod 614311) dosadašnji iznos "5.000,00 KM" mijenja se i glasi "3.000,00 KM".

Član 2.

U članu 3. u tabeli "**C/POSEBNI DIO BUDŽETA**" u okviru organizacione jedinice ,

"1. Rashodi,kapitalni izdaci i budžetska rezerva planirani u budžetu mijenjaju se slijedeće pozicije :

"600000 - RASHODI"

- Otvara se nova pozicija "Izdaci za odjeću, uniforme i platno" (ekonomski kod 613481) na iznos od 7.000,00 KM.
- Pozicija "Tekući transfer za MUP Trnovo" (ekonomski kod 614311) dosadašnji iznos "5.000,00 KM" mijenja se i glasi "0,00 KM" .
- Pozicija "Tekući transfer za Dom zdravlja Trnovo" (ekonomski kod 614311) dosadašnji iznos "5.000,00 KM" mijenja se i glasi "3.000,00 KM".

Član 3.

U članu 3.dio "**RASPORED IZVORA SREDSTAVA PREMA FONDOVIMA**" tabela "**OPĆI FOND**" kolona "**RASPORED SREDSTAVA**":

- Otvara se nova pozicija "Izdaci za odjeću, uniforme i platno" (ekonomski kod 613481) na iznos od 7.000,00 KM .
- Pozicija " Tekući transfer za MUP Trnovo" (ekonomski kod 614311) dosadašnji iznos " 5.000,00 KM " mijenja se i glasi " 0,00 KM " .
- Pozicija "Tekući transfer za Dom zdravlja Trnovo" (ekonomski kod 614311) dosadašnji iznos "5.000,00 KM" mijenja se i glasi "3.000,00 KM".

Član 4.

Ova Odluka na snagu sa danom donošenja , a bit će objavljena u " Službenim novinama Kantona Sarajevo "

Broj 01-02-3014/21

21. septembra 2021. godine

Trnovo

Predsjedavajuća

Općinskog vijeća Trnovo

Amina Dedić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine (" Službene novine Federacije BiH", br. 49/06 i 51/09) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 5. sjednici, održanoj dana 16.09.2021. godine, donosi

ODLUKU

O PRODAJI STALNOG SREDSTVA

I

Odobrava se prodaja stalnog sredstva putem licitacije, i to:

- VOZILO: M1-PUTNIČKI AUTOMOBIL,
- MARKA: KIA,
- TIP: QLE,
- KOMERCIJALNI OPIS: SPORTAGE,
- BROJ ŠASIJE: U5YPH813CGL166634,
- OBLIK KAROSERIJE: AF-VIŠENAMJENSKO VOZILO,
- GODINA PROIZVODNJE: 2017. GODINE,
- RADNI OBUJAM (cm³): 1995,
- MAKSIMALNA SNAGA (kw): 136,
- VRSTA GORIVA: DIZEL,
- EKO KARAKTERISTIKE: EURO 6,
- KATALIZATOR: DA,
- BROJ MOTORA: D4HAGZ194833 I
- VRSTA MOTORA: DIESEL.

Navedeno sredstvo u ispravnom stanju.

II

Ovlašćuje se općinski načelnik da u skladu sa propisima koji regulišu ove oblasti, za stalno sredstvo iz tačke I ove odluke, provede postupak prodaje putem licitacije.

III

Ova odluka stupa na snagu danom objave na oglasnoj tabli općine Trnovo, a ista će se naknadno objaviti u "Službenim novinama Kantona Sarajevo".

Broj 01-02-3015/21
21. septembra 2021. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 21.09.2021. godine

Na osnovu člana 49.stav 4. Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 5. sjednici održanoj 16.09.2021. godine, donijelo je:

ODLUKA O ORGANIZACIJI JEDINSTVENOG OPĆINSKOG ORGANA UPRAVE I POSEBNIH SLUŽBI OPĆINE TRNOVO

I - OPĆE ODREDBE

Član 1.

Ovom Odlukom utvrđuje se organizacija Jedinštenog općinskog organa uprave i ostalih općinskih službi općine Trnovo (u daljem tekstu: Jedinštveni organ uprave) u okviru kojeg se obavljaju upravni, stručni i drugi poslovi koji su zakonom i drugim propisima stavljeni u nadležnost općinskih organa kao i upravni poslovi koji su federalnim, odnosno kantonalnim zakonima preneseni ili delegirani na Općinu, organizacione jedinice službi unutar jedinštenog općinskog organa uprave kao djelokrug njihovog rada i način rukovođenja.

II - ORGANIZACIJA JEDINSTVENOG OPĆINSKOG ORGANA UPRAVE

Član 2.

Jedinštveni organ uprave općine Trnovo čine službe za obavljanje upravnih, stručnih i drugih poslova iz nadležnosti lokalne samouprave.

SLUŽBE ZA UPRAVU SU:

- Služba za opću upravu, društvene djelatnosti, boračko-invalidsku, dječiju i socijalnu zaštitu
- Služba za privredu i finansije
- Služba za urbanizam, građenje, komunalne poslove i zaštitu čovjekove okoline
- Služba za geodetske, imovinsko-pravne poslove i katastar nekretnina
- Služba za civilnu zaštitu, inspeksijske i zajedničke poslove
- Služba za investicije, lokalni ekonomski razvoj, informacione sisteme i odnose s javnošću

POSEBNA SLUŽBA OPĆINE JE:

- Stručna služba Općinskog vijeća i Općinskog načelnika

Član 3.

U okviru službi mogu se formirati odsjeci, koje čine osnovne organizacione jedinice u kojima se obavljaju naročito složeni poslovi i u većem obimu, a za čije obavljanje je neophodno da se grupišu po istovrsnosti, složenosti, odnosno međusobnoj povezanosti upravnih i drugih stručnih poslova za koje je potreban veći stepen samostalnosti u rukovođenju, a obim poslova zahtjeva najmanje četiri službenika.

III – RUKOVOĐENJE

Član 4.

Jedinštvenim općinskim organom uprave Općine Trnovo rukovodi Općinski načelnik u skladu sa Zakonom, Statutom i ovom Odlukom.

Član 5.

Sekretar Jedinštenog općinskog organa uprave i posebnih općinskih službi obavlja poslove od značaja za unutrašnju organizaciju i rad organa državne službe, koordinira radom osnovnih organizacionih jedinica, saraduje između organa i drugih tijela državne službe i drugih pravnih lica, realizira program rada organa državne službe, koordinira radom državnih službenika i namještenika koji nisu sistematizovani u okviru organizacionih jedinica i odgovoran je za korištenje finansijskih, materijalnih i ljudskih potencijala koji su mu povjereni i obavlja i druge poslove koje mu odredi rukovodilac organa državne službe.

Sekretar organa državne službe, ovlaštenja iz svoje nadležnosti utvrđene u stavu 1. ovog člana, vrši na način što koordinira i usmjerava rad svih osnovnih organizacionih jedinica koje postoje u organu državne službe, u cilju realiziranja poslova koji su utvrđeni u programu rada organa državne službe i osigurava izvršenje poslova po nalogu rukovodioca organa državne službe, upoznaje rukovodioca organa o stanju i problemima u vršenju planiranih poslova, te predlaže preuzimanje potrebnih mjera na rješavanju postojećih problema i na taj način pomaže rukovodiocu organa državne službe u rukovođenju organom i neposredno vrši poslove koji su mu pravilnikom o unutrašnjoj organizaciji stavljeni u nadležnost.

Poslove iz stava 1. i 2. ovog člana, sekretar organa državne službe ostvaruje u dogovoru sa pomoćnicima rukovodioca organa državne službe koji rukovode osnovnim organizacionim jedinicama u organu državne službe, a pomoćnici su dužni postupiti po utvrđenom dogovoru.

Sekretar organa državne službe za svoj rad i upravljanje neposredno odgovara Općinskom načelniku.

Član 6.

Interni revizor obavlja poslove interne revizije u skladu sa Zakonom i drugim propisima.

Interni revizor za svoj rad neposredno odgovara Općinskom načelniku.

Član 7.

Općinskom službom za upravu rukovodi pomoćnik rukovodioca organa državne službe, koji za vršenje poslova neposredno odgovara Općinskom načelniku u skladu sa zakonom.

Odsjekom unutar službe za upravu rukovodi Šef odsjeka, koji za vršenje poslova neposredno odgovara pomoćniku rukovodioca organa državne službe koji rukovodi službom u čijem sastavu se nalazi odsjek u skladu sa zakonom.

Posebno općinskom službom neposredno rukovodi sekretar Općinskog vijeća, koji za vršenje poslova neposredno odgovara Općinskom načelniku u skladu sa zakonom.

Općinski načelnik može dati posebna ovlaštenja državnim službeniku, koji za vršenje poslova neposredno odgovara Općinskom načelniku u skladu sa zakonom.

Pomoćnike rukovodioca organa državne službe i rukovodioce posebnih službi postavlja Općinski načelnik u skladu sa Zakonom, ovom Odlukom i Pravilnikom o unutrašnjoj organizaciji.

Član 8.

Pravilnikom o unutrašnjoj organizaciji Jedinštenog općinskog organa uprave Općine Trnovo utvrđuje se detaljno unutrašnja organizacija u skladu sa Zakonom.